



EH BILDU-ELKARREKIN DONOSTIA (Podemos / Ezker Antiza-IU / Equo Berdeak)

Ijentea, 1 - Tel. 943481027 - www.donostia.ehbildu.eus -
20003 Donostia

DONOSTIAN, 2020KO Urriaren 23an

KONTROL MOZIOA UDAL ATERPETXEEN ZERBITZUAREN BALIZKO PRIBATIZAZIOAREN INGURUAN

Aitzole Araneta Zinkunegi, ELKARREKIN DONOSTIA udal taldeko bozeramaileak eta Markel Ormazabal Gaztañaga EH BILDU udal taldeko zinegotziak, Udalbatzaren Organo Araudiaren 98. artikulua oinarri, mozio hau aurkezten dute Udalbatzan azter dadin. Mozioa 2020ko urriaren 19an Pertsonen Batzordean aztertutako interpelazioaren ondorioa da.

JUSTIFIKAZIOA

2020ko uztailaren 2an Udaleko Langileen Batzordeak bilera eskari bat luzatu zien Udaleko Langileria eta Ogasun arloetako arduradun politikoei.

Langile Batzordeak orduan zabalduetako idatziaren arabera, COVID-19-ak eragindako alarma-egoeraren ondoren, Udal Gobernuak "neurri" batzuk hartzen hasia zen aurrekontuak eta udal-antolaketa pandemiaren ondorioz sortutako krisiari egokitzeko.

"Neurri" horiek ez dira gastu publikoaren oreka-ariketa. Gastu publikoaren planifikazioan errentagarritasun politikoa nahikoa ez duten zenbait zerbitzuetako murrizketak besterik ez dira, adierazi zuten. Eta zentzu honetan, beldur ziren ikuspuntu politikotik "errentagarriak" ez ziren zenbait zerbitzu publikoren pribatizazioa planifikatzen ari ote zen. Zerbitzu horietako bat hiriko Gazte Aterpetxeak dira.

Langile Batzordearen esanetan, ez omen da berria gazte aterpetheen zuzeneko kudeaketa publikoa bertan behera uzteko plangintza egiteko aukera. Eta zerbitzuen azken urteetan izandako urteko balantze ekonomikoari eta aterpetxeetako plantillaren egoerari buruzko datuak eskatu direla egiaztatu ondoren, udal aterpetheen zerbitzua pribatizatu daitekeeneko susmo horiek frogatzen ziren Langile Batzordearen irudiko.

Pertsonentzako zerbitzuen batzordean gaietatik galdetuta, zinegotzi ordezkariak adierazi zuten ez zegoela martxan inongo pribatizazio asmorik, sustapena egiten ari zen aterpetheen inguruko txosten baten esperoan zeudela, eta bere ardua kudeaketa zela, udal zerbitzu publikoen aldeko edo kontrako iritzia ematea baino.

Emandako erantzunaren aurrean, COVID-19 birusak sortutako krisiak agerian utzi badu zerbait, hori kudeaketa zuzeneko sistema publiko antolatu eta indartu batek krisi global eta humanitario bati modu egokian erantzun diezaiokela da. Zentzu honetan udalak zuzenean, hau da berak eta ez sozietate instrumentalen bitartez publikoki kudeatutako hainbat eta hainbat onura jarri behar dira mahaigainean: egungo lantaldearen trebakuntza eta egonkortasuna, hizkuntzak eta batez ere euskara 100% menperatzea, eta kudeaketa zuzenetik zeharkakora igarotzen bada langileen baldintzaren prekarizazioa, eta ortaz zuzeneko

kudeaketa ereduak kasu honetan eskaintzen duen zerbitzuaren kalitatea. Transbertsalitatea edo udal departamentu ezberdinei edota hiriko kirol, kultura, unibertsitate eta gizarte elkarteei eskaintzen zaien zerbitzua, edo COVID garai hauetan aurten ikusi bezala Ondarreta-La Sirena gazte aterpetxea gizarteratze aterpetxe bihurtu ahal izana zuzeneko kudeaketa publiko hori bazegoelako. Erromesentzat eta Donostian haientzako bideratutako aterperik ez dagoenez, udal aterpetxeak beraienez erreferente izatea eta martxotik urrira aterpetxeen erreserben bi herenak betetzea. Nazioarteko REAJ eta IYHF gazte aterpetxe sare publikoen bitartez nazioarteko lehioa zabalik izateak, obrak udaleko brigadek eta ez enpresa pribatuek aboratzak dakartzaten kostu aurrezpenak, edota zuzenean publikoki kudeatutako Uliako gazte aterpetxeak egindako lan eta inbertsioei esker ingurumen ziurtagiria eskuratu izana.

Gainera, balizko egoeraren aspektu negatiboak aztertuz, Ondarreta-La Sirena eta Uliako udal gazte aterpetxeak balizko aterpetxe turistiko bihurtuz gero (nahiz eta sozietate instrumental baten zeharkako kudeaketa publikoan opinarrituta egon), Donostiako gainontzeko aterpetxe turistikoekiko lehioa desleiala sortarazteko baldintzak ezarriko lirateke.

Izan ere, argi dago: behar den marketing eta promozio esfortzuak eginez (adibidez: web ikusgarri bat izatea eta bertan erreserbak egiteko plataforma aktibatu ahal izatea) kudeaketa zuzen eta publikoa duten udal aterpetxeak ez dakarte bakarrik gastuen aurreztea eta zerbitzu hobea eskaintzea langileak ez daudelako errotatzen eta egonkortuta zerbitzu eta atentzio hobea eskaintzen dutelako, baizik eta ikuspuntu monetario soil batetik ere, bilatzen den errentagarritasuna ere lortzea erraz eskura baitaiteke.

Hau dena, noski, borondate politikoa baldin badago gauzatu liteke.

Hortaz, azaldutako egoera kontuan hartuta, behean sinatzen duten zinegotziek honako MOZIO hau aurkezten dugu:

KONTROL MOZIOA

- 1.- Udaltzako hertsatuki eskatzen dio Udal Gobernuari Donostia Sustapenaren txostenaren zain egon gabe, udal gazte aterpetxeen kudeaketa zuzena mantentzeko borondate politikoa berrestea.
- 2.- Udaltzako hertsatuki eskatzen dio Udal Gobernuari sozietate instrumental baten zeharkako edo azpikontratutako kudeaketa ereduak leharren zerbitzu okertzea ikusirik, udal gazte aterpetxeen kudeaketa publiko zuzena mantentzea.
- 3.- Udaltzako hertsatuki eskatzen dio Udal Gobernuari Uliako eta Ondarreta-La Sirena udal gazte aterpetxeak aterpetxe turistiko bihurtzeko asmorik ez duela berresteko
- 4.- Udaltzako hertsatuki eskatzen dio Udal Gobernuari urte luzez behin behineko egoeran mantendu dituen

